



Reglur um þjónustu frístundaheimila Sveitarfélagsins Árborgar

Gildissvið

Reglur þessar gilda um umgjörð, umsóknir og innritun á frístundaheimili í Sveitarféluginu Árborg að vetri og sumri og um gjaldtöku og innheimtu fyrir dvöl á frístundaheimilum sveitarfélagsins. Foreldri er hér notað yfir þá sem fara með forsjá barns skv. barnalögum.

Almennt um frístundaheimili

Sveitarfélagið Árborg starfrækir frístundaheimili fyrir börn í 1.-4. bekk í grunnskólum sveitarfélagsins og eru þau þrjú talsins. Á heimasíðu sveitarfélagsins, www.arborg.is, er að finna ítarlegri upplýsingar um frístundaheimili sveitarfélagsins. Frístundaheimili í Árborg starfa samkvæmt viðmiðum um starfsemi frístundaheimila sem sett eru af mennta- og menningarmálaráðuneytinu og þeim reglum sem bæjarstjórn Árborgar hefur sett um þjónustu frístundaheimila í Sveitarféluginu Árborg.

1. Innritun – afgreiðslutími

1.a Innritun

Á veturna bjóða frístundaheimilin upp á fjölbreytt frístundastarf þegar hefðbundnum skóladegi lýkur, en þá geta börn eingöngu verið skráð á frístundaheimili sem er starfrækt við þann grunnskóla sem þau eru í.

Á sumrin bjóða frístundaheimilin upp á starf fram að fjórðu viku í júní en taka svo 6 vikna sumarfrí og opna aftur í byrjun ágúst. Nýnemar eru teknir inn frá og með miðum ágúst ár hvert.

Skráning í starf frístundaheimilanna fer fram á vef Sv. Árborgar í gegnum heimavæðið **Mín Árborg**. Hægt er að fá aðstoð við að fylla út rafræna umsókn um dvöl á frístundaheimili í öllum grunnskólum sveitarfélagsins sem og í þjónustuveri Sv. Árborgar sem er að finna í Ráðhúsinu, Selfossi, Austurvegi 2, sími: 480-1900.

Í febrúar ár hvert opnar fyrir skráningu fyrir komandi vetur og er miðað við að foreldrar sækji um fyrir 1. júní ár hvert fyrir komandi skólaár. Foreldrar barna sem eru með lögheimili í Sveitarféluginu Árborg og eru að fara í 1.-4. bekk næsta skólaár fá sent bréf þessa efnis um mánaðamótin janúar-febrúar. Áður en sótt er um dvöl á frístundaheimili þurfa börnin að vera skráð rafrænt í viðkomandi grunnskóla.

Gert er ráð fyrir að öll börn sem búið er að sækja um dvöl fyrir á frístundaheimili fái pláss á yfirstandandi skólaári en upphaf dvalar getur tafist þar til ráðið hefur verið í stöður frístundaleiðbeinenda/ráðgjafa. Í slíkum tilvikum er fyrst litið til forgangshópa og síðan tímasetningar skráningar. Sjá sjá nánar 4. gr. um forgang á frístundaheimili.

Þegar sótt hefur verið um dvöl á frístundaheimili fá foreldrar staðfestingu um að umsókn hafi verið móttokin. Umsóknum er raðað eftir því hvenær þær berast, sjá þó gr. 4 um forgang í vetrarstarfið.

1.b Opnunartími, skipulagsdagar og sumarleyfi frístundaheimila

Almennur opnunartími frístundaheimilanna er kl. 13:00 til kl. 16:30.

Skóladagatal grunnskóla er grundvöllur að samstarfi grunnskóla og frístundaheimilis um þá þjónustu sem börn í 1.-4. bekk og foreldrar þeirra njóta. Á skóladagatali koma fram allir frídagar



og óhefðbundnir skóladagar.

Um frídaga og óhefðbundna skóladaga gildir eftirfarandi:

- a) Í jólafríi, páskafrii og einnig á starfsdögum skóla og á foreldraviðtalsdögum stendur þjónusta frístundahemila til boða frá kl. 7:45 – 16:30. Óskað er eftir skráningu á þessa daga sérstaklega á hverjum stað fyrir sig.
- b) Á óhefðbundnum skóladögum þar sem kennsla fellur niður að hluta, hefst frístundaheimilið á hefðbundnum tíma nema um annað sé samið og að af því stafi ekki kostnaðarauki fyrir frístundaheimili. Óhefðbundnir skóladagar geta verið að hámarki 10 dagar yfir skólaárið. Þetta geta verið t.d. íþróttá- og útvistardagar, sérstakir þemadagar, jólaskemmtanir, námsmats- eða prófdagar og vorferðadagar.
- c) Frístundaheimilin eru lokað í haust- og vetrarfríum grunnskólanna.
- d) Frístundaheimilin eru opin á skólastuningar- og skólaslitadögum frá kl. 7:45 – 16:30.
- e) Starfsdagar/skipulagsdagar frístundaheimila eru tveir á skólaárinu, að jafnaði einn á haustönn og annar á vorönn. Þessa daga er ekki tekið á móti börnum.

Ofantaldir frídagar á frístundaheimilum og óhefðbundnir skóladagar hafa ekki áhrif á gjaldtöku fyrir utan það að aukagjald er tekið fyrir þjónustu fyrir hádegi á fríðögum grunnskóla (liður a hér að ofan).

2. Skilyrði fyrir dvöl á frístundaheimili

Skilyrði fyrir dvöl barna á frístundaheimilum yfir vetur er að barnið sé nemandi í grunnskóla þar sem frístundaheimilið er rekið og að foreldrar barnsins séu ekki í vanskilum við sveitarfélagið vegna dvalar barns/barna þeirra á frístundaheimili (sjá kafla 7.b). Ef foreldrar búa ekki saman en fara sameiginlega með forsjá barns getur það foreldri sem barn á lögheimili hjá sótt um frístundaheimili.

Sé barn með lögheimili í öðru sveitarfélagi en Sv. Árborg þarf samþykki viðkomandi sveitarfélags fyrir kostnaðarþáttöku vegna dvalar á frístundaheimili að liggja fyrir áður en dvöl hefst.

3. Flutningur milli frístundaheimila

Ef barn á frístundaheimili flyst milli skóla í Sv. Árborg er hægt að færa umsókn um frístundaheimili á milli þeirra. Umsóknir raðast í rétta tímaröð og eru afgreiddar samkvæmt því, elsta umsóknin fyrst, sjá þó gr. 4 um forgang.

4. Forgangur á frístundaheimili

Umsóknir um dvöl á frístundaheimili eru afgreiddar í tímaröð, en þó þannig að börnum í 1. bekk er fyrst boðin dvöl, þá börnum í 2. bekk og svo koll af kolli.

Að auki er hægt að sækja um forgang skriflega til forstöðumanns viðkomandi frístundaheimilis vegna:



a) **barna sem þurfa forgang vegna fötlunar.** Ráðgjafarþroskaþjálfi hjá félagsþjónustu sveitarfélagsins ber ábyrgð á afgreiðslu umsókna vegna barna sem njóta forgangs vegna fötlunar. Staðfesting frá viðurkenndum greiningaraðila og/eða frá félagsþjónustu skal fylgja umsókn.

b) **barna sem þurfa forgang vegna félagslegra aðstæðna.** Starfsmenn félagsþjónustu, barnaverndar eða annarra stofnana sem koma að málefnum barna og námsráðgjafar eða deildarstjórar yngsta stigs í viðkomandi grunnskóla geta sótt um forgang vegna félagslegra aðstæðna eða skyndilegra breytingar á fjölskylduhögum.

c) **barna sem hafa búið skemur en 2 ár á Íslandi.**

Umsóknir um forgang skulu afgreiddar innan 14 daga. Þegar umsókn um forgang hefur verið samþykkt fær barn pláss á frístundaheimilinu um leið og aðstæður leyfa.

5. Úthlutun plássa, dvalarsamningur og uppsögn

Úthlutun plássa á frístundaheimili fer einkum fram í ágúst en umsóknir eiga að berast fyrir 1. júní ár hvert. Foreldrar fá staðfestingu inn á **Mín Árborg** þegar barn þeirra hefur fengið pláss á frístundaheimili.

Áður en dvöl barns á frístundaheimili hefst gerir viðkomandi frístundaheimili og foreldrar með sér dvalarsamning á **Mín Árborg** á vef Sv. Árborgar. Ef óskað er eftir að annar en umsækjandi sé skráður greiðandi þarf sá aðili að óska eftir því skriflega hjá forstöðumanni viðkomandi frístundaheimilis.

Með undirritun sinni eða staðfestingu í rafrænni umsókn staðfesta foreldrar að þeir hafi kynnt sér gjaldskrá fyrir frístundaheimilin og reglur um þjónustu frístundaheimila og skuldbinda sig til þess að hlíta þeim eins og þær eru á hverjum tíma.

Gagnkvæmur uppsagnarfrestur er tvær vikur og miðast við 20. hvers mánaðar. Tekur uppsögnin gildi um næstu mánaðamót. Uppsögn skal í öllum tilfellum fara fram á rafrænu formi inni á **Mín Árborg** eða með skriflegri tilkynningu til forstöðumanns frístundaheimilisins.

Hið sama gildir um breytingar á dvalarsamningi. Allar breytingar foreldra þarf að skrá á **Mín Árborg** eða berast forstöðumanni viðkomandi frístundaheimilis skriflega fyrir 20. hvers mánaðar.

6. Gjaldtaka

Gjaldtaka fyrir starf frístundaheimila

Gjald fyrir þjónustu frístundaheimila og fyrir síðdegishressingu á hverjum tíma er samkvæmt gjaldskrá Sveitarfélagsins Árborgar eins og hún er birt á heimasíðu sveitarfélagsins, www.arborg.is.

Gjaldskráin er samþykkt af bæjarstjórn og getur breyst án fyrirvara.

Sveitarfélagið Árborg greiðir hluta kostnaðar við dvöl barna á frístundaheimilum sveitarfélagsins. Foreldrar greiða hluta kostnaðar í hlutfalli við þá daga sem börn þeirra dvelja á frístundaheimilum. Einnig greiða foreldrar kostnað við síðdegishressingu.



Ef þjónusta er nýtt kl. 7:45 – 13:00 á foreldradögum og starfsdögum skóla eða í jóla- og páskafríum þarf að greiða fyrir það. Skráning fyrir hádegi á löngum dögum er bindandi. Hádegismatur og síðdegishressing er í boði þessa daga en börnin þurfa að koma með nesti fyrir fyrri part dagsins sbr. upplýsingar frá starfsstað hverju sinni.

Ef tvö systkini eða fleiri dvelja á frístundaheimili, leikskóla eða hjá dagforeldri er veittur 25% afsláttur af dvalargjaldi vegna annars barns og 100% vegna þriðja og fjórða barns. Skilyrði fyrir afslætti er að öll börnin séu með sama fjölskyldunúmer/lögheimili í þjóðskrá. Foreldrar eru ábyrgir fyrir því að skrá systkini á umsóknarblað vegna systkinaafsláttar. Foreldrar greiða fyrir síðdegishressingu allra barnanna.

7. Innheimta dvalargjalda, vanskil og uppsögn dvalarsamnings

Unnt er að greiða dvalargjöld með beingreiðslum, kreditkorti eða fá senda greiðsluseðla. Ef greiðandi vill fá senda greiðsluseðla eða fá senda greiðsluseðla eftir að hafa samband við þjónustuver Sv. Árborgar, Austurvegi 2, sími: 480 1900 og óska eftir að fá greiðsluseðla senda eða fá senda gjaldið beint á kort, að öðrum kosti birtist greiðsluseðill einungis í heimabanka. Ef greiðandi vill greiða með beingreiðslum þarf hann að hafa samband við viðskiptabanka sinn.

Gjald fyrir dvöl á frístundaheimili og sumarfrístund er innheimt eftir á. Gjalddagi er 1. hvers mánaðar og eindagi 20 dögum síðar. Skráning fyrir hádegi á heilum dögum á frístundaheimili er bindandi og er gjald fyrir slíka skráningu innheimt eftir á.

7.a Innheimtuferli vegna vanskila

Innheimtuferli vegna vanskila er samkvæmt innheimtureglum Sv. Árborgar.

Séu dvalargjöld enn ógreidd túu dögum eftir eindaga fær greiðandi senda innheimtuviðvörun frá banka.

Hafi krafa ekki verið greidd 30 dögum eftir eindaga er sent milliinnheimtubréf frá banka.

Krafa sem ekki innheimtist í banka fer í milliinnheimtu til Lögmanna Suðurlandi 120 dögum frá gjalddaga.

Auk dráttarvaxta sem reiknast af höfuðstóli kröfu frá gjalddaga fram að greiðsludegi, sé krafa greidd eftir eindaga, bætist við kostnaður við innheimtu og útsendingu ítrekunarbréfa á greiðanda.

7.b Uppsögn dvalarsamnings

Uppsögn á dvöl og fækkuun daga á frístundaheimili þarf að berast fyrir 20. hvers mánaðar og tekur hún þá gildi um næstu mánaðamót. Umsókn um fjölgun daga getur farið fram hvenær sem er og tekur gildi um leið og mönnun er fullnægjandi. Uppsögn og breytingar á dvalarsamningum skulu fara fram á **Mín Árborg** á vef Sv. Árborgar eða skriflega til viðkomandi forstöðumanns.

Hafi greiðsla dvalargjalda ekki borist 110 dögum frá gjalddaga áskilur sveitarfélagið sér rétt til þess að segja upp dvalarsamningi vegna dvalar á frístundaheimili. Uppsögn miðast við



mánaðamót og er uppsagnarfrestur einn mánuður.

Sveitarfélagini er heimilt að gera samkomulag við foreldra um eldri skuldir á dvalargjöldum svo að yngra barn þeirra geti hafið dvöl á frístundaheimili en í því felst m.a. að sveitarfélagini er heimilt að segja upp dvöl yngra barns, sé ekki staðið við samkomulag um greiðslu.

Fylgt er verklagi um aukna þjónustu til foreldra sem skulda, þar sem starfsfólk beinir foreldrum í ráðgjöf vegna skulda sinna.

8. Veikindi barns

Geti barn ekki sótt frístundaheimili vegna veikinda í fjórar vikur samfellt eða lengur geta foreldrar sótt um allt að 50% afslátt af dvalargjöldum. Afsláttur er veittur fyrir þann tíma er veikindi vara gegn framvísun læknisvottorðs sem staðfestir að barnið hafi ekki getað sótt frístundaheimili. Sækja verður um afsláttinn innan þrigga mánaða frá því að veikindum lýkur. Foreldrar bera ábyrgð á því að upplýsa viðkomandi frístundaheimili um að barnið hafi hafið dvöl á frístundaheimilinu að nýju eftir veikindi. Sveitarfélagið Árborg áskilur sér rétt til þess að innheimta gjöld afturvirkta komi í ljós að ekki hafi verið greitt fullt gjald eftir að barn hóf dvöl á frístundaheimili að nýju.

9. Stuðningur

Börn sem þurfa á sérstökum stuðningi að halda fá stuðning á frístundaheimilum að undangenginni samþykkt ráðgjafarþroskabjálfa hjá félagsþjónustu sveitarfélagsins. Forstöðumenn þurfa að skila inn þar til gerðri einstaklingsáætlun fyrir hvert það barn sem nýtur stuðnings í samvinnu við ráðgjafarþroskabjálfa, foreldra og samstarfsaðila hverju sinni.

Ef börn sem eru með lögheimili í öðrum sveitarfélögum og þurfa á sérstökum stuðningi að halda dvelja á frístundaheimilum í Sv. Árborg, greiðir viðkomandi sveitarfélag framlag með barninu samkvæmt samningi þar um.

10. Húsnæði frístundaheimila

Frístundaheimili skulu alla jafna vera staðsett í eða við grunnskóla Árborgar.

Rekstrarkostnaður, s.s. viðhald, ræsting og rekstur aðgangskerfa, er á ábyrgð skólastjóra þar sem það á við. Umsjónarmenn (húsverðir) skólanna annast vörlu húsnæðisins þar sem frístundaheimili er staðsett í húsnæði grunnskóla. Sérstaklega skal áætla fjármagn árlega til efnis- og tækjakaupa fyrir hvert frístundaheimili sem er óháð öðru fjármagni grunnskóla ef rekstur frístundaheimilis er undir skólanum.

Þar sem aðstaða fyrir frístundaheimili er ekki fullnægjandi innan grunnskóla skal sveitarfélagið útvega húsnæði í samræmi við skilgreiningu á rýmisþörfum frístundaheimila í byggingarreglugerð. Lagt er upp með að hvert frístundaheimili eigi sitt „hjarta“ eða heimastöð sem almennt er ekki er nýtt undir aðra starfsemi. Samnýting sé þó eðlilega á öðru húsnæði með skóla, íþróttahúsi og o.fl.

11. Samstarf

Tryggja þarf samstarf og samráð frístundaheimilis og viðkomandi grunnskóla. Stjórnendur



skólans kynna að vori skóladagatal komandi vetrar fyrir forstöðumanni frístundaheimilis og forstöðumaður kynnir starfsemi frístundaheimilis fyrir stjórnendum skólans.

Gagnkvæmt upplýsingastreymi skal vera á milli grunnskóla og frístundaheimilis með reglugum fundum. Skóli veitir forstöðumanni frístundaaðgang í Mentor. Sá aðgangur er notaður til að kynna starfsemi frístundaheimilis og annað frístundastarf í viðkomandi hverfi fyrir foreldrum með tölvupósti.

Forstöðumaður er kallaður inn á nemendaverndaráðsfundi (í samræmi við 20. grein í Reglugerð um skólabjónustu sveitarfélaga við leik- og grunnskóla og nemendaverndaráð í grunnskólum), teymisfundi vegna 6-9 ára barna sem eiga rétt á þjónustu viðkomandi frístundaheimilis og aðra samstarfsfundi eins og þurfa þykir.

Forstöðumaður frístundaheimilis situr upplýsingafundi leik- og grunnskóla vegna 6 ára barna. Samstarf er við leikskólastjóra um að forstöðumaður sitji skilafund varðandi börn sem gætu þurft á stuðningi að halda á frístundaheimilinu. Þetta er gert til að tryggja samfellu í þjónustu við barnið.

Forstöðumaður vinnur í fagteymi með öðrum forstöðumönnum og fleirum. Einnig vinnur forstöðumaður náið með stjórnendum hvers grunnskóla.

Frístundaheimilin skulu leita eftir samstarfi við þá aðila sem sinna frístundastarfi barna í sveitarfélagini með það að markmiði að börnin geti stundað þær innan tímaramma frístundaheimilanna.

12. Mannauður

Hver starfsmaður skal að jafnaði hafa umsjón með 13 börnum í 1.- 2.bekk og 16 börnum í 3.-4. bekk. Til viðbótar koma starfsgildi vegna barna sem þurfa sérstakan stuðning.

Skólar og frístundaheimili leitist við að eiga samvinnu um að ráða starfsmenn sem geta gegnt starfi í skóla sem og á frístundaheimili.

Forstöðumaður skal hafa fagmenntun á sviði uppeldis- og/eða tómstunda- og félagsmálafræða. Æskilegt er að frístundaleiðbeindur/stuðningfulltrúar hafi menntun og/eða reynslu sem nýtist í starfi.

Undirbúningstími forstöðumanns skal vera að lágmarki fimm – tíu klukkustundir á viku og skal sá tími falla utan þjónustutíma frístundaheimilisins.

Miða skal við eftirfarandi forsendur við ráðningu stjórnenda á frístundaheimilum í Árborg:

- Ef barnfjöldi er undir 80 börnum, er forstöðumaður í 50-75% starfshlutfalli. Tekið skal mið af opnunartíma og fjölða barna hversu hátt hlutfall er í stjórnun.
- Ef barnafjöldi fer yfir 80 börn, er forstöðumaður í 100% starfshlutfalli og umönnunarskylda fellur niður.
- Ef barnafjöldi fer yfir 120 börn, breytist starfshlutfall eins starfsmanns úr 50% í 75%. Viðbótin telst sem stjórnunarhlutfall.



Sveitarfélagið
ÁRBORG

13. Gildistaka

Reglur þessar taka gildi frá og með 1. janúar 2018.

Æskilegt er að leggja mat á þessar reglur fyrir 1. september 2018 og endurskoða eftir þörfum.

Samþykkt í bæjarráði Árborgar 16. nóvember 2017.